



**UPA2015/96**

**Uunga siunnersuut: Inatsisartut aalajangiiffigisassa at Kalaallit Nunaanni Namminersorlutik Oqartussat oqaaseqaateqarnissaannut kunngikkormiutut peqqussutip ilaata § 1-ip taarsigassarsisarfinnut anin-gaasaliisarfinnullu allanut aamma inatsisinut allanut assigiinngitsunut tunngatillugu. (CRD IV-mik atuutsitsilerneq).**

**UPA2015/107**

**Taarsigassarsisitsisarfinnut aningaasaliisarfinnullu aningaasaateqarnissaq nakkutilliinikkullu piumasqaateqarnissaq pillugu inatsisimmut Kalaallit Nunaannut atuuttussat siunnersuummut oqaaseqaateqarnissaq pillugu Inatsisartut aalajangiiffigisassaattut siunnersuut, (CRR)**

(Inuussutissarsiornermut, Suliffeqarnermut, Niuernermit Nunanullu Allanut Naalakkersuisoq)

Partii Naleraq ersarissumik aningaasaqarnermut aningaaseriveqarnermut anguniagassat pingaarutillit arlallit politikkimini ersarissartuarpai. Taakkunani ilanngullugu aamma Kalaallit Nunaat nammineq aningaasaqarnermik sektoreqalernissaata tuaviortumik sulissutigineqalernissaa – tassalu:

- Nammineq aningaaseriveqalernissaa (illuliornermi atorniartarfik ilanngullugu)
- Nammineq pappialanik nalilinnik peqalernissaa
- Nammineq sillimmasiisarfeqalernissaa
- Aammalu Soraarnerussutisianut Aningaasaateqarfeqalernissaa

Taakkulu sulinitinni tunngaviussapput, anguniartuartariaqaratsigumi nunatsinni ullumikkumiit annertunerujussuarmik aningaasat kaaviaartinneqarnerulernissaat, avammut ingerlaannaq ”eqqaannarunnaarlugit”.

Taakkulu tikisserlugit ukua siunnersuutit marlussuit Naalakkersuisuniit saqqummiussat, saqqummiunneqartutuut innuttaasunik ajornerulersitsinermik kinguneqassanngippata

oqaloqataaffigisinnaavagut Partii Naleqqamiit. Taama oqartariaqalersimavugut ukiorpaalunngulersuni Inatsisartutut misilittagaqalernitsinni ataasiaannarata siunertat kusanartorsuit aamma innuttaasunik innarliinnginnissamik Naalakkersuisunit qulakkeerinniffiugaluartut innuttaasunut killormut sunniteqartarsimasut ataasiinnanngimmata. Tassami nassuiaatitai taama qulakkeerinnipput, atuutilersinneqarpatami taava?

Ukiuni kingullerni aningaaseriveqarneq aningaaseriviillu kiffartuussiniarnermik oqariartuuteqartarnerat sukumiilaartumik misissoraanni ersarissupilorujussuuvoq suna siunertaralugu aningaaseriviit ingerlatsinersut, tassalu qulakkiissallugu aktiaateqartut – piginnittut annerpaamik iluanaarlutik sinneqartoornissaat, aningaaserivimmi kiffartuunneqartut atuineratigut. Eqqumaffissagut amerlaqaat innuttaasunik atugarliornerulersitsissanngikkutta, oqaatsillu neriorsuutit kusanartorpassuit Naalakkersuisuniit siunnersuuteqarnermi tunngavilersuutigineqartartut tamuaqqaarnagit iiginnartarneri tassunga killeqartariaqarput.

Taamaattumik aningaaseriviit nakkutigineqarnerat sukatertariaqarluinnarpoq. Inuussutissarsiornermi aqutsisutut ”tiguaasimanerat” malunnarsiartuinnarpoq, akitsuutininik killeqanngiusattumik atuisartunut nammakkiinerat ukiuni kingullerni annertusiartuinnarpoq, akerlianilli nunarsuarmioqataasunut annertunerusumik iluaqutaanerat apeqquserneqarsinnaalluni. Ukiorpaalunnguimmi qaangiupput nunarsuaq tamakkerlugu aningaasanik ajutoorujussuarnerup tunngavigaa aningaasaateqarfiit imminnut pisortaminnullu iluaqusersornermi kingunerisaanik nunarsuarmi aningaasanik ajulusoornerit annerpaartaat pimmat.

Soorunami aningaaseriviit iluanaarnissaat unitsinniarsariniannngilarput, atuisartulli illersorneqarnerullutik, aammalu pissaanermik tigumminninnerat pakkersimaarnerullugu ingerlatsisoqartariaqarnera pisariaqaleriartuinnarpoq.

Massakut nunatsinni nakkutigineqarneq Danmarkimi aningaasanik nakkutilliisoqarfimmiit (Finanstilsyn-imiit) ingerlanneqarpoq, qulaanilu Partii Naleqaamiit taakkartukkagut tunngavigalugit suli annikippallaartumik. Maani atuisartut inatsisitigut illersugaagalarput aamma atuisartut suli siunnersuisoqatigiivininik ersinngilluinnartumilli ingerlatsisoqaraluarluni.

Taamaattumik tamakku Naalakkersuisut oqaluttarfikkut innuttaasut tusaatillugit qulakkeersinnaappatigut, oqarnitsituut siunnersuutip piviusunngortinnissaanut oqaloqataasinnaavugut. Taamaattumik aamma Aningaasaqarnermut/Inuussutissarsiornermut ataatsimiititaliaq qulakkiigassaqarpoq annertuunik uumap siunnersuutip

aappassaaneerreqannginnerani, qulakkii gassallu arlallit nassuiaatini eqqartorneqartut qulakkeerneqareerpata paasinarsiumaarpoq tapersiilluta imaluunnit akerliulluta Partii Naleqqamiit taaseqataassanersugut.

Qujanaq.